



Broj: 02-11-6209/21
Sarajevo, 28.12.2021 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova I, imenovana rješenjem broj: 10-45-137/21 od 21.07.2021. godine, u daljem tekstu: Komisija, u postupku javne nabavke usluga popravaka i investicionog održavanja skloništa kojima raspolaže Općina Centar, putem otvorenog postupka, (Zapisnik o pregledu i ocjeni ponuda broj: 02-11-6209/21 od 15.12.2021. godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **"SELA" d.o.o. Sarajevo, ul. Rajlovačka cesta br.31, Sarajevo**, broj: 121-1123/P od 23.11.2021. godine, za pružanje usluga popravaka i investicionog održavanja skloništa kojima raspolaže Općina Centar, u ukupnom iznosu od **167.177,00 KM bez PDV-a** odnosno **195.597,09 sa PDV-om**.
- II.** Ugovorni organ će sa izabranim ponuđačem zaključiti Okvirni sporazum na period od 3 (tri) godine, kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Obavezuje se ponuđač iz stava I. dispozitiva, da u roku od 5 (pet) dana od dana prijema ove odluke, neposredno na protokol ovog organa, dostavi dokumente kojima se dokazuje ispunjavanje uslova iz tačke 7. tenderske dokumentacije (uslovi za kvalifikaciju ponuđača), u originalu ili ovjerenj kopiji.
- IV.** Ova Odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem iste ponuđaču, shodno članu 70. stav (6) Zakona.

Образложење

Postupak za javnu nabavku usluga popravaka i investicionog održavanja skloništa kojima raspolaže Općina Centar, putem otvorenog postupka, pokrenut je Posebnom odlukom Opštinskog načelnika o pokretanju postupka broj: 02-11-6209/21 od 03.11.2021.godine. Postupak nabavke je objavljen na portalu javnih nabavki, broj obavještenja o nabavci: 848-1-2-179-3-143/21 od 03.11.2021. godine. Procijenjena vrijednost javne nabavke iznosi 150.000,00 KM bez PDV-a.

U određenom roku za predaju ponuda, dana 23.11.2021. godine do 12,00 sati, dostavljena je 1 (jedna) ponuda ponuđača: „SELA“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda kako slijedi:

r/b	Ponuđač	Ukupna cijena u KM bez PDV-a	Popust %/KM	Ukupna cijena u KM sa PDV-om
1.	„SELA“ d.o.o. Sarajevo	167.177,00	/	195.597,09

Nakon izvršenog javnog otvaranja ponuda, na zatvorenom sastanku Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponude u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je konstatovano da je ponuda sačinjena potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom. Komisija je izvršila računsku kontrolu dostavljene ponude i pri tome nije uočena nijedna računska greška.

Na osnovu dostavljenog prijedloga narudžbe budžeta, konstatovano je da ukupna raspoloživa sredstva za ovu nabavku iznose 175.000,00 KM što je manje za iznos od 20.597,09 KM od ukupne vrijednosti ponude sa PDV-om.

Svojim dopisom od 24.11.2021. godine, Komisija je zatražila od nadležne Službe za civilnu zaštitu i mjesne zajednice da se izjasni o navedenom, odnosno da li postoje osigurana dodatna sredstva za ovu namjenu kako bi se postupak nabavke okončao zaključenjem okvirnog sporazuma o nabavci predmetnih usluga, te da eventualno dostavi pismene dokaze o istom.

Pomenuta služba je dana 15.12.2021. godine dostavila prijedloge narudžbe budžeta broj: 51 od 01.12.2021. godine i broj: 52 od 09.12.2021. godine, kojim se dokazuje da su obezbijedena dodatna sredstva za predmetnu nabavku u Budžetu Općine Centar Sarajevo.

Predviđena E-aukcija u predmetnom postupku neće biti održana obzirom da je u postupku nabavke dostavljena samo jedna prihvatljiva ponuda.

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača „SELA“ d.o.o. Sarajevo, ul. Rajlovačka cesta br.31, Sarajevo, za dodjelu okvirnog sporazuma za pružanje usluga popravaka i investicionog održavanja skloništa kojima raspolaže Općina Centar, sa ukupnom cijenom ponude u iznosu od **167.177,00 KM bez PDV-a** odnosno **195.597,09 sa PDV-om**.

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 2.000,00 KM u skladu sa članom 108. stav (1) tačka c) Zakona.

Žalba se podnosi u dovoljnom broju primjeraka, a koji ne može biti manji od 3 (tri).



OPŠTINSKI NAČELNIK

Srđan Mandić

Prilog: Zapisnik o pregledu i ocjeni ponuda
broj: 02-11-6209/21 od 15.12.2021.godine

DOSTAVITI:

1. „SELA“ d.o.o. Sarajevo, ul. Rajlovačka cesta 31, Sarajevo
2. Službi za civilnu zaštitu i mjesne zajednice
3. Službi za finansije
4. Arhivi